

成耶苟學道之士慕其新成則與道異矣非大成之道也故曰大成不缺其用不做

能與天壤共傲者冲虛之善士也故次之以致虛極

歸根章第十六

致虛極忘形守靜篤忘心萬物並作忘物吾以觀其復同光返照見天

地夫物芸芸身外無為各復歸其根洞見本來歸根曰靜無生無滅

靜曰復命我無生死我不能無生死復命曰常常光見前知常

曰明魄滅然後魂昌不知常道不可以妄作凶一念所形無非

吉失道則凶悟道知常容其大無外容乃公其小無內公

則仙迷道則鬼知常容大無不包容乃公正無私邪魔自

退公乃王能為萬物主王乃天本有之天天乃道一炁之始萬

窮道乃久道即心心即沒身不殆心無生死道無往來

復圭子曰虛靜者乃道之本體得道之人捐情去欲五內清

淨如浮雲雖往來而太虛之體自若其虛極矣致即致中和

之致主心言而心中之性原靜也前念靜後念不靜未守靜

也即靜之中猶有纖微倚着亦是守靜不篤也故必虛而又

虛靜而又靜然後可謂之致虛極守靜篤也並作猶言並生

也吾不觀其作而觀其復觀復者在易為雷在地中在十二

辟卦即為十一月之復卦在堯夫則為月窟天根在玄門則

為五行不到處父母未生前在禪門則為本來面目凡人止

知觀泰觀乾不知觀復任其至剝至坤純陰而命終矣不知

道藏輯要

太上道德寶章翼一

美

心集三

物雖芸芸枝葉扶疎而終各歸其根夫春生夏長皆動時至歸根則靜矣乃觀復之時是謂復命矣物能歸根復命者松柏青青百千歲而不朽何為人獨不知歸根復命乎歸根是得藥事復命是得丹事太上明以大道指點世人先哲註道德經皆夢中說夢常者常常如此人至死日曰無常故復命曰常可與天地同久人患不知此常道耳能知此常道曰明明者不啻明見致虛守靜之理歸根復命之竅且明從日從月一陰一陽之謂也若不知常明之道而妄作行旁門者必凶知常容即一粒粟中藏世界洞裏乾坤大壺中日月長也容乃公即仙佛之欲度世人甚於世人之求仙佛也人王主宰天下天王主宰造化公乃王所謂跳出陰陽之外陶鑄造化而不為造化所陶鑄也王乃天我心即天心天乃道我道即天道道乃久我命即天命沒身即解脫也萬物有壞這個不壞何始之有白祖曰形中以神為君神乃形之命也神中以性為極性乃神之命也養形中之神以合神中之性此之謂歸根復命也

知常之人道同太上故次之以太上

潛風章第十七

太上

心之精神是謂之聖

下知有之

萬物皆以此理

其次親之

有物生天地無名本寂寥

○可親可舉便不自然

其次畏之

百姓日用而不知也○知其畏敬

其次侮之

寂然不動感而遂通

道藏輯要

太上道德寶章真一

卷

心集三